

醫畧六書女科指要產後卷之三下

發熱 瘧疾 往來寒熱

產後血虛發熱血瘀亦發熱蓋陽不足則陰有餘陰氣上入陽中則惡寒惡寒者必發熱然亦有陰症惡寒而全不發熱者陰不足則陽有餘陽氣下陷入陰中則發熱發熱者或不惡寒安有瘧熱無寒而全不惡寒者 先傷於暑復傷於寒寒暑交爭令人寒熱有期謂之瘧疾或內傷脾胃外感風寒亦能令人發瘧 邪戀肌腠寒已則熱熱已則寒寒熱不相接續謂之往來寒熱

脉法

血虛發熱脉必虛浮血瘀發熱脉必濇大瘧脈多弦弦遲爲陰陽虛寒伏弦芤爲伏暑傷營弦濇血寒弦浮爲風弦緊爲寒弦大乃脾胃內傷往來寒熱脉必弦數無力

治法

扶陽禦寒以培其本理營泄熱以治其標無汗要有汗祛邪爲主汗多要無汗養正爲先補虛瀉實隨其攸利

用藥

血虛氣浮發熱當歸補血湯加柴胡白芍血虧邪戀發熱四物湯加白朮荊芥血氣兩虧發熱八珍湯加黃蓍肉桂血氣虛寒發熱十全大補湯加附子炮薑血瘀內壅發熱下瘀血湯加肉桂當歸瘧疾寒熱七寶散加官桂當歸往來寒熱小柴胡湯加梔子淡豆豉

選方

丹溪方 治發熱脈軟微瀯者

人參

錢半

黃蓍

三錢 酒炙

白朮

錢半 製

當歸

三錢

川芎

一錢

茯苓

錢半

炙草

六分

水煎去渣溫服 熱甚加炮薑

產後血氣大虛不能統攝營氣於裡而虛陽外浮故發熱不止焉人參扶元補氣以生血脉退虛熱最速黃蓍補氣固中以統衛陽攝虛陽最靈白朮健脾生血當歸養血榮經川芎行血海茯苓清治節炙草緩中以益胃氣也水煎溫服使血氣內充則虛陽自斂而熱不外浮何發熱之不瘳哉熱甚加炮薑亦是吸熱歸原法

當歸補血湯 治發熱脈浮軟者

黃蓍

五錢 蜜炙

當歸

三錢

水煎去渣溫服

產後血虛氣浮虛陽不能統攝於裡而熱浮於外故發熱不休焉黃耆補氣生血而虛陽自歛當歸養血榮經而熱不外浮水煎溫服使衛氣強壯則營血自充而虛陽無不歛之虞何有發熱不止之患哉

加味四物湯 治發熱脉虛者

熟地

四兩

當歸

三兩

白芍

兩半

川芎

一兩

茯苓

兩半

爲散水煎三錢去渣溫服

產後血脉空虛不能配氣於裏而虛陽外浮故發熱不止焉熟地補陰滋血室當歸養血榮經脉川芎入血海以調營白芍歛營陰以退熱茯苓清治節以攝虛陽而降九天之陰也爲散水煎使血能配氣則陽秘陰平而血室滋榮虛陽無外浮之患何發熱之有不已哉

添薪散 治發熱脉虛瀉者

熟地

五兩

當歸

三兩

炮姜

一兩

爲散水煎三錢去渣去溫服

產後血脉空虛不能統攝營陰於裡而虛陽無所依歸故熱浮於外發熱不休焉熟地補陰以滋血室當歸養血以榮經脉炮姜吸引虛陽以歸原而身熱自退也水煎溫服使血海內

充則經脉滋榮而虛陽自得歸原何有發熱不休之患哉

黃龍四物湯 治發熱脉虛數弦浮者

生地 五錢

當歸 三錢

白芍

錢半 酒炒

川芎

八分

麥冬

三錢 去心

柴胡

八分

黃芩

錢半 酒炒

人參

錢半

炙草 八分

水煎去渣溫服

產後血氣空虛邪留經絡而遏熱於心膈之間正氣不足以拒邪故發熱不已焉生地壯水以滋血室人參扶元以生血氣川芎入血海白芍斂營陰當歸養血以榮經絡麥冬潤燥以生津液柴胡解表邪黃芩清裡熱炙草益胃以緩中氣也水煎溫服使中氣調和則血氣自充而邪熱外解經絡清和安有發熱不止之患乎

犀角飲子 治發熱脉數軟弦微瀉者

生地

五錢

犀角

錢半

人參

錢半

白朮

錢半 炒

枳殼

八分 炒

炙草

五分

黃芩

錢半 酒炒

黃耆

三錢 蜜炙

當歸

三錢

柴胡

八分

麥冬

三錢 去心

地骨皮

二錢

水煎去渣溫服

產後氣虧挾滯邪熱抑遏於營衛之間而營衛血暗傷故發熱不止焉人參扶元補氣以禦

邪黃耆補氣固中以托邪犀角清心胃之熱黃芩清肺腸之熱生地壯水以滋血室麥冬潤燥以生津液當歸養血榮經地骨涼肌退熱白朮健脾元以生血枳殼化滯氣以調中柴胡疎邪解表炙草緩中益胃也水煎溫服使氣行滯化則邪熱外解而營氣暗復經脈清和豈有發熱不已之患乎

四合湯 治發熱脉數軟弦者

熟地

五錢

人參

錢半

白朮

錢半 炒

茯苓

錢半

當歸

三錢

白芍

錢半 酒炒

黃耆

三錢 蜜炙

川芎

八分

柴胡

八分

半夏

錢半 蜜炙

黃芩

錢半 酒炒

炙草

五分

水煎去渣溫服

產後氣血兩虧濕熱不化而抑遏於中正氣不足以拒之故發熱不止焉人參扶元補氣足禦虛邪之不解熟地補陰滋血能資經脉之有虧黃耆補氣益衛陽當歸養營益血脈白朮健脾燥濕茯苓滲濕和中川芎入血海調營血白芍斂營陰善退虛熱柴胡解表疎邪黃芩清裡瀉熱半夏醒脾燥濕以化痰炙草益胃緩中以和脾也水煎溫服使氣血內充則濕熱自化而邪無不解何發熱不已之有哉

大調經散 治發熱脉濇滯浮者

黑大豆

三合

明琥珀

三兩

白茯苓

三兩
去木

爲散紫蘇湯下三錢

產後惡露不盡風邪襲入衝任而血乃瘀於經絡之間故發熱惡寒不止焉琥珀散瘀血以通經隧茯神清心氣以安神明黑豆壯腎氣以祛風毒也爲散紫蘇湯下使風邪外解則瘀血消化而衝任融和何發熱惡寒之不瘳哉

加減烏金散

治寒熱往來脉數弦滯者

柴胡

八錢

桂枝

兩半

黃芩

兩半
酒炒

厚朴

兩半

白芍

兩半
酒炒

半夏

兩半
製

甘草

五錢

生姜

十片

葱白

十枚

爲散水煎三錢去渣溫服

產後寒傷陰理熱遏胸中故胸滿嘔惡往來寒熱不已桂枝溫經散寒黃芩清裏瀉熱柴胡疎腠理之邪厚朴散胸中之滿半夏醒脾燥濕白芍斂陰和營生姜溫胃散寒邪葱白解表通陽氣甘草以緩中和胃也爲散水煎使寒邪外解則遏熱自化而胸中之陽氣廓然何胸滿嘔惡不退往來寒熱不定乎

產寶寒熱方

治惡寒發熱脉浮數者

人參

兩半

獨活

兩半

當歸

三兩

防風

兩半

川芎

兩半

葛根

兩半

甘草

兩半

生薑

八錢

葱白

十六根

爲散水煎三錢去渣溫服

產後血氣兩虛風寒襲入留戀於經絡之中故惡寒發熱不止焉人參扶元氣以內托當歸養血脉以榮經獨活開經氣防風散風寒葛根升陽散熱川芎活血行氣生姜散風寒葱白通陽氣甘草緩中以和胃也爲散水煎使血氣內充則風寒外解而經脉清和何惡寒發熱之不瘳哉

知母湯 治乍寒乍熱脉沉數者

知母

錢半

柴胡

五分

白芍

錢半

黃芩

錢半

甘草

八分

桂心

八分

水煎去渣溫服

產後邪熱抑遏於三焦營陰暗耗於經脉故心中煩悶乍寒乍熱不已焉柴胡疎腠理之伏熱黃芩清胸中之煩悶白芍斂陰和血以清乍熱之源桂心溫營煖血以壯乍寒之本知母潤燥瀉熱甘草瀉火緩中也水煎熱服使伏邪外解則遏熱自化而經府清和其心中之煩熱無不自解何乍寒乍熱之不瘳哉

草果飲子 治瘧疾脉弦浮緊者

紫蘇

錢半

白芷

錢半

草果

一錢 炒

良姜

錢半

川芎

一錢

半夏

錢半 製

茯苓

錢半

陳皮

錢半

青皮

錢半 炒

甘草

八分

生姜

三片

紅棗

五枚

水煎去渣溫分兩服

產後寒痰積飲伏於膜原之間不能分布營衛而寒熱有期謂之瘧疾紫蘇理血氣以散寒良姜煖胃氣以逐冷白芷燥濕散寒草果消滯散寒川芎入血海以行血氣半夏醒脾胃以豁痰飲茯苓滲濕和脾陳皮利氣和胃青皮破滯氣以平肝甘草緩中氣以和胃生姜散痰飲紅棗益心脾也水煎溫服使痰飲內消則寒邪外散而膜原肅清營衛無不振發何寒熱有期之瘧疾不瘳乎

生熟飲子 治瘧疾脉弦滯澀者

肉果

一錢

草果

一錢

厚朴

一錢

半夏

錢半 製

陳皮

錢半

甘草

五分

生姜

三片

大棗

三枚

爲末拌和一半炒熟一半生用水煎去渣溫服

產後胃虛寒滯積結痰飲漬於膜原而腠理不能宣通故寒熱有期謂之瘧疾肉果煖胃固中草果滌寒消滯厚朴溫中散滿以除濕半夏燥濕化痰以滌飲陳皮利中和氣甘草緩中

和胃生姜溫胃散痰涎大棗緩中益脾元也爲末半生半熟煎服俾生者銳而熟者醇瘡疾有者不愈乎

四物湯見經八珍湯見胎前大便門更生散十全大補湯並見指要論下瘀血湯見產後心脇痛門七寶散

小柴胡湯清肺飲並見胎前瘕疾門人參散人參當歸散並見產後自汗門柴胡四物湯

小柴胡加生地湯並見經門潮熱增損柴胡湯見產後中風門黃龍湯見胎前傷寒門增損四物湯見產後心脇痛

人參養胃湯見子氣

蓐勞虛羸

產後血氣大虛離蓐太早風冷得以外乘七情得以內擾日久失解遏熱煎熬血氣消耗謂之蓐勞或血氣因冷日消陽真因冷日縮轉輾相乘冷消熱耗均能令人虛羸且積虛成損積損成勞必潮熱欬血腹痛泄瀉爲甚

脉法

癆脉多弦甚則緊濇弦數者血虛陰洞必挾熱弦遲者陽虛氣耗必挾冷虛主血虛軟則氣虛虛極緊盛勞成不治

治法

補血養陰以治其虛羸補氣扶陽以治其蓐勞寒者溫之熱者清之有邪者漬形以爲汗挾積者扶元以殺其虫

用藥

虛羸血氣兩虛八珍湯虛甚十全大補湯心脾兩虛歸脾湯脾胃兩虛六君子湯加當歸白芍肝脾兩虛逍遙散加熟地人參肝腎兩虛六味丸加麥冬五味心腎兩虛七味丸加棗仁遠志肝腎兩虛歸芍地黃湯加枸杞麥冬蓐勞漸熱者黃耆鱉甲飲欬嗽者五味子湯吐血者紫菀湯腹痛者玉燭散泄瀉者訶子散

選方

七味丸 治虛羸脉虛數尺弱者

熟地

五兩

萸肉

兩半

肉桂

一兩 去皮

澤瀉

一兩

山藥

三兩 炒

茯神

兩半 去木

丹皮

兩半

製爲末煉蜜丸每服五錢百沸湯下

產後腎藏虛衰虛火炎上故心氣不降而心神不甯心中悸動不安焉熟地補腎以滋心血萸肉滋腎以斂虛炎山藥補脾益陰茯神安神定悸丹皮涼血降火澤瀉瀉火利陰肉桂引火以歸就腎原也蜜丸以潤之沸湯以下之使真水上滋則虛火自降而心氣得甯何有心

中悸動不安之患哉

黃耆鼈甲飲 治蓐勞脉數軟弦者

黃耆

三錢 蜜炙

鼈甲

三錢 醋炒

白芍

錢半 炒

當歸

三錢

熟地

五錢

山藥

三錢 炒

茯神

二錢 去木

麥冬

三錢 去心

水煎去渣溫服

產後血氣虧肝陰虛乏不能滋榮血室故日晡潮熱至夜尤甚謂之蓐勞熟地補陰以滋血室黃耆補氣以生血脉生鼈甲滋肝陰以散結氣淮山藥補脾陰以益腎元茯神定志當歸養血榮經白芍斂肝陰和血脉麥冬潤肺燥生津液也水煎溫服使血氣內充則肝陰自復而陰得維陽豈有潮熱夜甚之患乎

五味子湯 治蓐勞脉數寸虛者

生地

四錢

五味

一錢

米仁

四錢 炒

川貝

一錢 去心

白芍

錢半 炒

阿膠

三錢 蛤粉炒

麥冬

三錢 去心

橘紅

一錢

水煎去渣沖枇杷露一杯溫服

產後去血過多陰不能維陽故虛陽爍肺欬嗽不甯焉生地壯水以滋血室阿膠補陰以益肺虛米仁滲濕熱以清脾肺川貝清熱痰以利肺金白芍斂陰和血脉麥冬潤肺清心五味斂液生津以止嗽橘紅利氣除痰以理欬也水煎溫服沖枇杷葉露以清肺平肝使陰血內充

則虛陽下潛而肺金無灼燥之虞何欬嗽之有不瘳哉

紫菀湯 治吐血脉虛微數者

生地

五錢

紫菀

二錢

阿膠

三錢蒲黃灰炒

白芍

錢半炒

人參

錢半

麥冬

三錢去心

桑葉

錢半

川貝

二錢去心

米仁

四錢炒

水煎去渣溫服

產後氣陰兩虧虛陽內迫擾動血室而血不歸經故吐血不止焉生地壯水以滋血室人參扶元以固血脉阿膠補陰益肺以止血白芍斂陰安脾以吸百川貝清心化熱痰麥冬清心潤肺燥米仁滲濕熱兼清脾肺桑葉除虛熱清利肺金紫菀溫潤肺氣以清血痰也水煎溫服使氣陰內充則虛陽下蟄而肺金肅清血室寧靜何吐血之不痊哉

訶子散 治泄瀉脉虛細者

附子

兩半炮

人參

兩半

白朮

三兩炒

白芍

兩半酒炒

肉苁蓉

一兩兩麵包煨

炮姜

一錢

茯苓

二兩

訶子

三兩炒

木香

一兩煨

製爲散米飲下五錢

產後氣陽兩虧無以生土而腸胃滑脫關門不能禁固故泄瀉不止焉人參扶元補氣以固

下附子補火扶陽以止瀉白朮健脾補土炮姜煖胃溫中白芍斂陰血木香厚腸胃茯苓滲濕以和脾訶子澁腸以收肺肉果固胃澁腸止泄瀉以禦滑脫也爲散米飲調下使火能生土則氣陽並充而腸胃完固何滑泄之有不痊哉

白茯苓散 治蓐勞脉軟弦虛微瀉者

熟地

五兩

人參

兩半

黃耆

三兩

當歸

三兩

白芍

兩半

桂心

兩半

茯苓

兩半

川芎

八錢

猪腎

一對

製爲散每服五錢姜三片大棗三枚煎淨汁溫調服

產後氣血大虛寒邪內伏不能灌注於經而營衛不振故寒熱疼重勢必將成蓐勞熟地補陰滋血以資經絡人參補氣扶元以振營衛黃耆補氣益衛當歸養血益營白芍斂陰益血脉桂心溫經散寒邪雄猪腎補腎藏以滋精血小川芎入血海以行血氣白茯苓清治節以除一身之疼重也爲散姜棗煎使氣血內充則寒邪外散而營衛敷布有權何愁寒熱不退疼重不痊其蓐勞之患何冀免也夫

蓐勞佛手散 治蓐勞脉軟瀉弦浮者

黃耆

五兩

前胡

兩半

當歸

三兩

柴胡

八錢

川芎

一兩

爲散姜棗湯煎五錢去渣溫服

產後氣虛不能衛外邪得留戀於經絡之間故寒熱欬嗽不止勢必漸成蓐勞黃耆補氣益衛以托邪當歸養血益營以達邪更以柴胡升陽散熱前胡降氣散痰川芎引入血海爲散姜棗湯煎使氣舉血行則營衛振發而外邪自散寒熱欬嗽無不止何蓐勞之足慮哉

雲岐熟地黃散 治蓐勞脉軟微瀼者

熟地

五兩

人參

兩半

白朮

兩半

黃耆

三兩

當歸

三兩

川芎

一兩

白芍

兩半

桂心

兩半

五味

兩半

續斷

三兩

爲散姜棗湯煎五錢去渣溫服

產後氣血兩虛營衛不振故寒熱多汗將成蓐勞焉熟地補陰滋血以資血海人參補氣扶元以資氣海黃耆補氣益衛當歸養血益營白朮健脾土以生血川芎活血脉以行氣白芍歛陰和血脉桂心煖血溫經絡五味收耗散續斷續筋脉也爲散姜棗湯煎使氣血內充則清陽分布而營衛振發何慮寒熱不退多汗不收乎其蓐勞之患可冀免矣

黃耆丸 治蓐勞脉數弦軟微瀼者

熟地

五兩

黃耆

三錢

鼈甲

三兩

川芎

一兩

當歸

三兩

白芍

兩半

五味

兩半

栢仁

三兩

炒

桂心 兩半 續斷 三兩

製爲末煉蜜丸米飲下五錢

產後血氣兩虛肝陰不足而陰不維陽故潮熱憎寒自汗不止勢必將成蓐勞熟地補陰滋血柏仁養心寧神黃耆補氣益衛陽當歸養血益營陰鼈甲滋肝陰以散結白芍欽脾陰以和營川芎引入血海五味收欽津液續斷續完筋脉桂心溫煖營血也蜜丸飲下使血氣內充則肝陰自復而營衛調和何慮寒熱自汗不止蓐勞將成不痊乎

石子湯 治蓐勞脈虛數弦浮者

石子

一對 卽猪腎

香豉

錢半

白芍

錢半 酒炒

當歸

三錢

葱白

三枚

梗米

一合

水煎去渣溫服

產後經血虧乏邪乘虛襲流布經絡隧道故腰痛而寒熱不解勢將必致蓐勞當歸養血以榮經絡白芍欽營以和血脉香豉發越外邪葱白通徹陽氣猪腎補腎藏精血梗米養胃家津液也水煎溫服使血脉內充則外邪自解而經絡融和何有腰痛寒熱之患其蓐勞可冀免乎

人參鼈甲散 治蓐勞脉軟數滯者

醫略六書女科指要 卷之三十三 選方

八

趙翰香居藏板

人參

兩半

黃耆

三兩 蜜炙

鼈甲

三兩 醋炙

當歸

三兩

桃仁

三兩 炒

白芍

三兩 酒炒

桂心

兩半

熟地

三兩

麥冬

三兩 去心

爲散姜棗湯煎三錢去渣溫服

產後氣血兩虧挾滯血而肝陰暗耗營衛不調故寒熱不解將來必致蓐勞人參扶元以補肺氣驚甲散結以滋肝陰黃耆補氣益衛當歸養血益營熟地補陰滋血室桃仁破瘀潤血燥桂心煖血溫經脈白芍欽陰和血脉麥冬潤肺金以清心也爲散姜棗煎使氣血內充則肝陰暗復而瘀血自化營衛調和安有寒熱不解爲蓐勞之患乎

胡氏牡丹皮散 治蓐勞脉弦虛數者

當歸

三兩

白芍

兩半 酒炒

桂心

兩半

骨皮

一兩

丹皮

兩半

沒藥

二兩

五茄皮

二兩 酒炒

人參

兩半

爲散水酒各半煎三錢去渣溫服

產後血氣兩虧兼挾滯血而熱遏於營故寒熱不解骨節疼痛不休爲人參扶元補氣以通血脈當歸養血益營以榮經脉白芍欽陰和血脉桂心溫營煖血脉地骨皮清肌退遏熱牡丹皮涼血散血滯明沒藥散瘀止痛五茄皮活絡通經也爲散水酒煎使氣血內充則滯血自化而遏熱亦解安有寒熱不止骨節疼痛不痊乎